



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

8. Fortnuam atque fortuita, ob hominum occultas rerum causas ignorantium opinionem, ita dici, ratione autem Dei omnia prouidentis, nihil esse fortuitum.

urn:nbn:de:hbz:466:1-45653

stitterit: cur deniq; tam malam fortita sit potestatem, ut res cunctas ex libidine magis, quam ex vero celebret, obscureretq;. Hec, inquam, Philosophos inquirere oportuit potius, quam temere innocentem accusare Fortunam: quæ, etiam si sit aliqua, nihil tamen afferri ab his potest, cur hominibus tam inimica sit, quam putatur. Itaq; illæ omnes orationes, quibus iniquitatem fortune lacerant, suasq; virtutes contra fortunam superbissime iactant; nihil aliud sunt, quam deliramenta inconsiderataleuitatis. Quare non inuidem nobis, quibus aperuit veritatem DEVIS: qui, sicut scimus nihil esse fortunam, ita scimus, esse prauum ac subdolum spiritum, qui sit inimicus bonis hostisq; iustitie; qui contraria faciat, quam DEVIS, cuius inuidia causam in secundo libro explicavimus. Hic ergo insidiatur vniuersis: sed eos, qui nesciunt DEVIM, errore impedit, stultitia obruit, tenebris circumfundit, ne quis possit ad Diuini hominis peruenire notitiam; in quo uno & sapientia continetur & vita perpetua. Eos autem, qui DEVIM sciunt, dolis & astutia aggreditur, ut cupiditate & libidine irretiat; ac peccati blandimentis depravatos impellat ad mortem, vel, si dolo nihil proficerit, vi & violentia deicere conatur. Hic ergo humani generis, ab initio, deceptor homines inducit, ut Fortunam aliquid esse existimet, quod sit inuocandum; &, dum bonos vexat, malos tanquam suos fouet, Fortunam, tanquam Numen inuexit. Diximus, quid non sit Fortuna.

VIII.

S. Augustin.
lib. quæst.
XCI.

Idem lib. 5.
de Ciuit. Dei.
cap. 1.
Aristot. 2.
Phys. c. 5.

S. Aug. 1.9
de Ciuit. c.
13.
Item lib. 5.
super Genes.
cap. 22.

Quid ergo tandem est Fortuna? Fortuna intelligenda est pro ijs rebus, ait D. Augustinus, quæ fortuita videntur accidere, non quia numen aliquod sit, cum hac ipsa tamen, quæ fortuita videntur, caussis occultis diuinitus dentur. Vnde etiam verba, quæ nemo potest auferre à consuetudine loquendi parata sunt, id est, Forte, Fortasse, Fortitan, & Fortuna. Et alio loco: Secundum opinionem hominum, ea dicuntur esse fortuita, quæ vel nullas caussas habent, vel non ex aliquo rationabili ordine venientes contingunt. Ab Aristotele Fortuna & Casus caussa per accidens, vocantur, ratione hominum scilicet, qui caussas illas ignorauerunt, aut non prospexerunt: ratione autem Dei viventis & omnia videntis, nihil casu aut fortuito euenire potest: quia, eodem S. Patre teste, Prudentia Dei summi, non fortuita temeritate, regitur Mundus. Nam, ut idem alibi disputat, cū extrema & exigua corpora à nutu & regimine Dei prudentiae tanta dispositione formentur, ut aliquando diligentius cogitata ineffabilem incutiant admirationis horrorem, & cum anima natura ratione corpori antecellat, quid est demens, quam putare, nullum esse prudentiae indicium, de moribus hominum;

cum in

cum in eorum carne tanto eius solertia clareant, & demonstremur inditiae? Sed hic, vt in re obscura & magni momenti, clarum ac firmum fundamentum iaciamus aliquantulum nobis Philosophandum est.

Ex Aristotelis igitur, ac vero Philosophorum sensu, *Fortuna* & *Casus* numero causarum efficientium accensentur; et si *causa per accidens* debeant appellari. Pone eundem & architectum & Musicum. Architectus est *causa per se* domus, Musicus dicitur *causa per accidens* domus eiusdem; quia ars canendi coniungitur planè per accidens cum arte ædificandi, in architecto: adeò ut *per accidens* Musicus ædificet. Potest tamen & solet contingere, ut duæ causæ inter se quidem *per accidens* coniungantur, effectum tamen *per se* producant coniunctæ. Atque tunc dicuntur singulæ, ratione illius effectus, *causa per accidens*, & *Fortuna* vel *Casus*. Sic, ad inventionem thesauri, concurrunt & ille, qui thesaurum defodit, & ille qui effodiendo terram (agri alioqui colendi causa) thesaurum inuenit. at qui defodit, & qui effodit, singuli sunt *causa per accidens* inuentioris thesauri. Quare infossio, vel etiam effossio illa terræ *Fortuna*, vel *Casus* appellatur. Quod vtique est ratione thesaurum abscondentis, qui non voluit thesaurum ab altero inueniri; itemque eriam respectu thesaurum inuentoris, qui agrum colere, non thesaurum inuenire intendit. At Deus inten- dit, vt uno thesaurum abscondente, & altero, alia de causa, ter- ram fodiente, thesaurus & ab illo amitteretur, & ab isto repe- riretur. Sic enim vtriq; conducebat. Hoc igitur pacto, neque *Fortuna*, neque *Casus* erat, sed ratione amittentis, poena; ratione inuentoris, gratia. Disposuit ergo Deus, vt & infossio, & effos- sio concurrent: qui concursus, aut quod complexum non est *Fortuna* aut *Casus*, sed est *causa per se*, cum infossionem thesauri, & effossionem terræ, eodem loco, inuentio thesauri neces- sariò ac determinatè sequatur; sicut ex igne calefactio. Quod si infra Deum foret aliqua naturalis quoque causa superior, quæ vim haberet coniungendi has duas causas, defossionem scilicet unius, & effossionem alterius, ex qua inuentio thesauri sequitur, tum non diceretur illa causa superior, *causa per accidens*, sed *causa per se*; quemadmodum, si quis duos habens famulos, Pe- trum & Paulum, iuberet Petrum defodere arcam auro plenam, & deinde Paulum iuberet inibi effodere terram, non diceretur ille Dominus *casu* thesaurum reperiisse, aut *bonam Fortunam* habuisse;

IX.

Aristot. 2.
Phystex.39.
Vide 8.5.
Phystex.57.